



Broj: 01-180124-1
Sarajevo, 24.01.2018. godine

**AGENCIJA ZA BANKARSTVO
FEDERACIJE BOSNE I HERCEGOVINE
SARAJEVO
Zmaja od Bosne 47b**

Predmet: Uticaj Odluke Agencije za bankarstvo FBiH o izuzecima od čuvanja bankarske tajne broj U.O.-08-16/17 od 13. oktobra (objavljena u „Službenim novinama FBiH“ broj 81/08)

Poštovani,

Međunarodni revizijski standard („MrevS“) 505: „Eksterne potvrde“ propisuje postupak dobijanja revizorskih dokaza direktnim slanjem zahtjeva trećim stranama za potvrđivanjem stanja potraživanja i obaveza subjekta kod kojeg se vrši revizija, a u skladu sa MRevS 500: „Revizijski dokaz“ koji kaže da su revizijski dokazi pouzdaniji ako su pribavljeni iz nezavisnog izvora van subjekta.

Novodonesena „Odluka o izuzecima od čuvanja bankarske tajne“ direktno utiče na nezavisan rad revizora u smislu da ih usporava, ograničava ili čak sprječava u dobijanju revizorskih dokaza direktno od banaka. Član 2. pomenute odluke propisuje da se podaci o klijentu banke mogu saopštiti trećem licu uz pisanu saglasnost klijenta koja je ovjerena ili potpisana pred službenikom banke. Prema informacijama koje smo dobili od nekoliko revizorskih firmi, prema pomenutom članu odluke, banke tretiraju revizore kao treća lica i ne žele dostavljati potvrde o klijentima kod kojih se vrši revizija prije nego ovlašteno lice lično potpiše/ovjeri saglasnost u banci.

Smatramo da je navedeno tumačenje od strane banaka pogrešno i da se ne može odnositi na revizore, pogotovo imajući u vidu zahtjev iz člana 28. stav 4. Zakona o računovodstvu i reviziji u FBiH koji kaže: „*Primalac potvrde je dužan pošiljaocu: dužniku, povjeriocu ili njegovom revizoru odgovoriti na potvrdu u roku od osam dana.*“

S tim u vezi, zamolili bismo vas da se zvanično očitujete o navedenom, te da se bankama obezbijedi adekvatno tumačenje pomenute odluke, a u skladu sa Zakonom o računovodstvu i reviziji u FBiH.

S poštovanjem,

Senad Pekmez, predsjednik

